



Projekat finansira  
Evropska unija



Empowered lives.  
Resilient nations.



U partnerstvu sa : Grad Tuzla

## GRAD TUZLA U PARTNERSTVU SA RAZVOJNIM PROGRAMOM UJEDINJENIH NACIJA RASPISUJE:

### JAVNI POZIV ORGANIZACIJAMA CIVILNOG DRUŠTVA/NEVLADINIM ORGANIZACIJAMA ZA PREDAJU PRIJEDLOGA PROJEKATA U SKLOPU PROJEKTA REGIONALNI PROGRAM LOKALNE DEMOKRATIJE NA ZAPADNOM BALKANU (ReLOaD)

ReLOaD je regionalni projekat kojeg finansira **Evropska unija (EU)**, a implementira **Razvojni program Ujedinjenih nacija (UNDP)** u šest zemalja Zapadnog Balkana i to: Albanija, bivša jugoslovenska Republika Makedonija, Bosna i Hercegovina, Crna Gora, Kosovo\*<sup>1</sup> i Srbija. Projekat je počeo 1. februara, 2017. godine i tokom naredne tri godine cilj projekta je dalje jačanje partnerstva između jedinica lokalne samouprave (JLS)<sup>2</sup> i civilnog društva širenjem transparentnog pristupa finansiranja organizacija civilnog društva (OCD) iz budžeta JLS u skladu sa strateškim prioritetima i potrebama stanovništva u zajednicama.

Odabrano je prvih 10 jedinica lokalne samouprave (JLS) sa kojima će se realizirati aktivnosti u Bosni i Hercegovini i to su (abecednim redom): Banjaluka, Bijeljina, Jablanica, Maglaj, Stari Grad Sarajevo, Teslić, Tešanj, Travnik, Trebinje i Tuzla.

Grad Tuzla i projekat ReLOaD pozivaju sve organizacije civilnog društva (OCD)/nevladine organizacije (NVO) iz Bosne i Hercegovine da dostave prijedloge projekata koji su u skladu sa razvojnim ciljevima Grada Tuzle iz sljedećih prioritetnih oblasti:

#### 1. Socijalna zaštita

- 1.1. Unapređenje kvalitete života građana treće životne dobi;
- 1.2. Prevencija nasilja nad ženama;
- 1.3. Socijalno uključivanje djece i osoba sa invaliditetom.

#### 2. Zapošljavanje, poduzetništvo i rad sa mladima

- 2.1. Edukacije mladih o poduzetništvu i razvijanje programa samozapošljavanja;
- 2.2. Kreiranje modela podrške zapošljavanju mladih;
- 2.3. Zapošljavanje socijalno marginaliziranih osoba.

#### 3. Razvoj i promocija turističkih potencijala Tuzle

- 3.1. Razvoj turističkih potencijala Grada Tuzla;
- 3.2. Promocija turističke ponude Grada Tuzla

#### 4. Unapređenje kulture, kulturno-historijskog i prirodnog naslijeđa

- 4.1. Razvoj kulturne industrije;
- 4.2. Promocija umjetničkog stvaralaštva na području Grada Tuzle.

#### 5. Unapređenje sportskog ambijenta na području Grada Tuzla

- 5.1. Očuvanje tradicije sportskih vrijednosti kroz promociju sportskih rezultata
- 5.2. Stvaranje preduslova za omasovljenje sporta uz edukaciju sportskih radnika i unapređenje sportskih vještina kod sportista

#### 6. Ekologija

- 6.1. Edukacija stanovništva u oblasti očuvanja okoliša, primarne selekcije otpada i čuvanja javnih površina
- 6.2. Edukacija stanovništva u oblastima energetske efikasnosti i obnovljivih izvora energije;

**Iznosi sredstava za odobrene projekte će biti od 10.000 KM do 70.000 KM. Jedna organizacija civilnog društva može podnijeti više projektnih prijedloga s tim da je maksimalan novčani iznos sredstava koja mogu**

<sup>1</sup> \*Ova oznaka ne dovodi u pitanje stavove o statusu i u skladu je sa Rezolucijom UNSCR 1244/1999 i Mišljenjem Međunarodnog suda pravde o kosovskoj Deklaraciji o nezavisnosti.

<sup>2</sup> Jedinice lokalne samouprave su općine, opštine i gradovi te Distrikt Brčko. Svaki od navedenih termina se može ravnopravno koristiti za potrebe projekta

**biti dodijeljena za implementaciju projekata jednoj organizaciji civilnog društva tokom ukupnog trajanja ReLOaD projekta (tri godine) 120.000 KM.**

**UNDP zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadane kriterije.**

**Dužina trajanja svakog projekta može biti od 6 do 12 mjeseci. Izabrani projekti se trebaju realizirati u periodu decembar 2017. – decembar 2018. godine.**

#### **PRAVO UČEŠĆA:**

Učešće u ovom javnom pozivu je otvoreno, na jednakim osnovama, za sve formalno registrirane OCD i NVO (udruženje/udruga ili fondacija), u skladu sa važećim zakonskim propisima u Bosni i Hercegovini.

**Sve zainteresirane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u Smjernicama za aplikante u okviru Javnog poziva.**

#### **PREUZIMANJE DOKUMENTACIJE:**

Dokumentacija za prijavu na Javni poziv za Grad Tuzlu se može preuzeti **od 06. septembra (Javni poziv je otvoren do 03. oktobra 2017. godine) na zvaničnoj stranici [www.grad.tuzla.ba](http://www.grad.tuzla.ba)**, slanjem zahtjeva sa nazivom zainteresirane organizacije na e-mail: [registry.ba@undp.org](mailto:registry.ba@undp.org); [asja@tuzla.ba](mailto:asja@tuzla.ba) ili lično preuzimanjem u Gradskoj upravi Tuzla, kancelarija br. 221, ZAVNOBiH-a 11, Tuzla, Bosna i Hercegovina.

Sve potrebne informacije i elektronska verzija cijelog paketa prijavne dokumentacije može se naći na web stranici: [www.ba.undp.org](http://www.ba.undp.org), kao i na web stranici grada Tuzle [www.grad.tuzla.ba](http://www.grad.tuzla.ba)

Informativni sastanak u vezi sa pozivom potencijalnim aplikantima za predaju prijedloga projekata „**Otvoreni dan**“ bit će održan u Gradskoj upravi Tuzla **18. septembra 2017. godine, u periodu od 10 do 12 sati u Sali za sastanke u prizemlju Gradske uprave**. Potencijalni aplikanti će tokom sastanka biti detaljnije upoznati sa pozivom, načinom prijavljivanja, kriterijima, itd.

Pitanja u vezi sa javnim pozivom se mogu postaviti putem e-mail adrese [registry.ba@undp.org](mailto:registry.ba@undp.org) sa naznakom za ReLOaD projekat. Pitanja se mogu postavljati do **27. septembra 2017. godine**. Odgovori na upite će biti dostavljeni u pisanoj formi unutar tri radna dana od primanja upita.

#### **PREDAJA APLIKACIJA:**

Prijavni set kojeg čine **tri (3) primjerka obavezne dokumentacije i jedan primjerak dodatne dokumentacije u štampanom obliku te jedan elektronski primjerak (CD ili USB)** se mora dostaviti u zatvorenoj koverti u Centar za pružanje usluga građanima (Šalter sala) u zgradi Gradske uprave tokom radnih dana (ponedjeljak – petak) ili preporučenom poštom na sljedeću adresu, sa naznakom za ReLOaD projekat:

Grad Tuzla  
ZAVNOBiH-a 11,  
75000 Tuzla  
Bosna i Hercegovina

Rok za predaju aplikacija je **03. oktobar 2017. godine, do 14 sati**. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta mora sadržavati naziv poziva za predaju prijedloga projekata, puno ime i adresu aplikanta, puni naziv projekta i navod **“Ne otvarati prije zvaničnog otvaranja”**.

O primljenoj pošiljci u gradskoj upravi će se voditi uredna evidencija i izdavati potvrde o prijemu. Svi aplikanti koji su predali prijedloge projekata, koji su prihvaćeni ili odbijeni, biti će izvješteni u pisanoj formi o odluci u vezi sa njihovim prijedlogom projekta u roku od 30 dana od dana zatvaranja javnog poziva. Rezultati će biti objavljeni na: [www.ba.undp.org](http://www.ba.undp.org), te na web stranici grada Tuzle ([www.grad.tuzla.ba](http://www.grad.tuzla.ba)), kao i na oglasnoj ploči. Organizacije čiji projekti budu odobreni će biti dužne da ih prevedu na engleski jezik i dostave donatoru prije potpisivanja ugovora.